

## Buchbesprechungen

### »Grootvadder sien Huus«

Grode rutkomen is dat Book vun Heinrich Kahl in'n Wachholtz Verlag, Neumünster, ISBN 978-3-529-04779-4, 12,- €.



En Huus, sien Goorn un de Minschen, de dor leevt. Mit Heinrich Kahl gaht wi op Reis in sien Kinnertied un kriegt to weten, wie dat in de twintiger, dörtiger un veertiger Johren vun't vörige Johrhunnert in en Handwarker- un Beamtenhuusholt to gahn is. Tosamen mit sien Broder un Swester, Öllern un Grootöllern wahnt he an Stadtrand vun Hamborg in dat Huus, wat sien Grootvadder för de Familie boot hett. Dorto hört ok de grode Goorn, in den vun Fröhjohr bet Harvst all togang sünd, dormit se wat to eten op ehrn Disch kriegt un ok en Blomenstruuß för de Vas hebbt. Ehr Alldag richt sik na dat Wedder un de Johrestieden, in Winter warrt Swien slacht un in Sommer geiht dat rut in't Moor to'n Torf steken. Heinrich Kahl is opwussen in en Tied, as man vör'n Aven sitten dee to'n Strümpstoppen, as de Kinner in Goorn un

bi't Veeh hölpen müssen un as de Melk op'm Holtfüer kaakt worrn is, en Tied, de hüüt lang vörbi schient ...

Dat is een wunnerschönet Book, dat för ole, ober ok för junge Lüüd good to lesen is. ■